

## Cúl an Tí by Sean ORiordain

Cúl an Tí

Tá Tír na nÓg ar chúl an tí,  
Tír álainn trína chéile,  
Lucht cheithre chos ag súil na slí,  
Gan bróga orthu ná léine,  
Gan Béarla acu ná Gaeilge.

Ach fásann clóca ar gach droím  
Sa tír seo trína chéile,  
Is labhartar teanga ar chúl a' tí  
Nár thuig aon fhear ach Aesop,  
Is tá sé siúd sa chré anois.

Tá cearca ann is ál sicín,  
Is lacha righin mhothaolach,  
Is gadhar mór dubh mar namhaid sa tír  
Ag drannadh le gach éinne,  
Is cat ag crú na gréine.

Sa chúinne thiar tá banc dramhaíl,  
Is iontasi an tsaoil ann,  
Coinnleoir, búclaí, seanhata tuí,  
Is trúmpa balbh néata,  
Is citeal bán mar ghé ann.

